

ALGARBIA.

166

Præter Portus autem quos supra recensuimus est Portus *Setubal* xx Milliarib. Olisippone Austrum versus di-
 stans. Montes hic pauci, iique non magni, ut sunt quos incolæ vocant *Sierra de Monchique*: de *Chaldecatao*, de *Montes*
Sordeda, olim dicti *Montes Luna* &c. Sunt & hi plerique Lucis Nemoribusque confiti. Sunt etiam Silvæ & de-
 sa Nemora, in quibus Hispaniæ Principes venari solent. In Opidulo Bethleem, templum est D Virgini dicatum; *Opera publica*
 sumptuque incredibili exstructum: Emanuelis Lusitaniæ Regis Monimentum, quod dum viveret sibi ipse desi-
 gnavit. Magna tamen Operi accessio facta ab Ioanne III Emanuelis Filio. Suntque in Interamni Portugallia, ut
 scribit Vassus, præter Ecclesiam Bracarensem Metropolitānam, & Portugallensem Cathedralem, atque alias
 quinque Collegiata, plusquam centum triginta Monasteria, quorum pleraque redditus habent amplissimos;
 præterea plus minus m cccclx Parochiales, ut scribit quidam. Certe in parte quæ Bracarensem agnoscit Eccle-
 siam octingentæ recensentur. Ex qua re fertilitatem & Religionem antiquam Gentis facile agnoscas. Taceo
 Xenodochia, Nosocomia, Orphanotrophia, Turres, pulcherrimas ædes, hortos amœnissimos, & ejusmodi Aca-
 demias habent in hoc Regno *Ebora* & *Coimbra*. Prior ab Henrico Cardinale Lusitaniæ, ejusdemque Civitatis
 Præsule, nuper instituta. Altera etiam instituta nuper a Ioanne III Portugalliæ Rege, sunt Lusitani omnium His-
 panorum fortissimi, veloces, agiles, mobili corpore levique, ut facile & fugiant hostem & insequantur: prompti,
 laboris patientissimi. Sūt & eo ingenio, ut magnifice de se & rebus suis sentiant; atque ipsi dictitant se vivere ex
 opinione, hoc est se sustentari potius eo, quod se esse putant, quam eo quod reuera sunt. Rei Navalis sunt peritissi-
 mi, ac Navigationibus ad incompertas Regiones toto Orbe notissimi; Mercatorum commerciis ditissimi.

Algarbia.

Sub Portugallia hoc tempore *Algarbia* regnum pertinet. Hec ab Arabibus nomen accepit, significatque Cam-
 pum Arvumque felix & uber, in quo omnia ad commutationem necessaria. Linea autem cujus initium ab Ana-
 fluvio inter Amnes qui vulgo *Vataon* & *Carei-vas*; finis autem ad Opidulum *Odesixa*, id est ab Oriente versus
 Occidentem protracta, separat *Algarbia* regnum ab ipsa Portugallia, omnium Hispaniæ Regnorum minimum
 & ignobilissimum. Comportantur eo ex variis Hispaniæ partibus secundo Anæ decursu Vina omnis generis,
 Sicca, Bastarda, Romana, & ejus classis alia; quæ porro navibus imposita in Galliam, Inferiorem Germaniam,
 alioque avehuntur. Opida habet *Balsam* Ptolemæo; Plinio, Antonino & Pomponio Melæ, quæ hodie *Tavila*, ut
 Coquus opinatur: *Ossonobam* Plinio & Antonino; quorum ille *Lusturiam* cognominat; *Ossonaba* est Ptolemæo,
 putaturque quæ nunc *Silvis*. Fuit etiam ibidem ad Sacrum Promontorium Urbs *Lacobriga* Pomponio, cujus
 etiamnum ruine ruderæque visuntur prope *Lagos* Opidum maritimum, in Vico, qui Lusitanica Lingua *Lagoa*
 vocatur, uti scribit Vassus. *Algarbia* Comitatus initio in dotem ab Alphonso X Legionis Rege, ut prisce referunt
 Annales, datus fuit Alphonso III Portugalliæ Regi, quum filiam ipsius Beatricem, quam ex Pellice genuerat,
 uxorem duceret. Natus ex eo conjugio *Dionysius*, qui primus Algarbiorum Regis titulum usurpare cœpit. Sed
 de Portugallia ac de Algarbia hæc sufficiant, ad reliquas Hispaniæ partes transeo.

Biscaya